

Xavier Pascual Santistevé, secretari accidentau deth Conselh Generau d'Aran,

CERTIFIQUI:

Qu'eth Conselh de Govern, en session ordinària de 5 de març de 2018, adoptèc, entre d'auti, er acòrd següent e que transcrit literaument ditz:

“8au.- APROBACION, SE PROCEDÍS, DERA ADJUDICACION DES ÒBRES DE *MIELHORA DERA CARRETÈRA D'ACCÈS A MONT E MONTCORBAU, SEPARATA ÈISH I*” MEJANÇANT PROCEDIMENT DUBÈRT, DAMB TRAMITACION ORDINÀRIA [CAMINS VESIAUS].-

Vist er acòrd dera Mesa de Contractacion des òbres de “*Mielhora dera carretèra d'accès a Mont e Montcorbau, separata èish I*” amassada en data 14 de hereuèr de 2018, d'avaloracion des diferents proposicions presentades ad aguesta licitacion e de requeriment de documentacion ara empresa *CONSTRUCCIONS PIRINEU 2001 SL*, coma adjudicatària deth nomenat contracte.

Vistes es puntuacions que resulten dera avaloracion nomenada, que se reproduís ara seguida:

Critàris avalorables mejançant FORMULES:

1. Registre d'Entrada num. 281 de 06/02/2018: *CONSTRUCCIONS PIRINEU 2001 SL*
 - Proposicion econòmica: 199.650,00 € (165.000,00 € + 34.650,00 € d'IVA)
2. Registre d'Entrada num. *TRANSPORTES Y EXCAVACIONES BARBA SL*
 - Proposicion econòmica: 219.494,00 € (181.400,00 € + 38.094,00 € d'IVA)
3. Registre d'Entrada num. 306 de 08/02/2018: *CERVÓS SA*
 - Proposicion econòmica: 262.576,05 € (217.005,00 € + 45.571,05 € d'IVA)
4. Registre d'Entrada num. 307 de 08/02/2018: *MIQUEL RIUS SA*
 - Proposicion econòmica: 222.153,20 € (183.597,69 € + 38.555,51 € d'IVA)

Per tant, un còp avalorada era aufèrta presentada pes **QUATE (4)** licitadors admetudi cossent damb çò que establis era clausula 10au des plecs de clausules administratives, s'obtien es següents resultats, que s'ordenen de major a menor puntuacion:

1. Registre d'Entrada num. 281 de 06/02/2018: *CONSTRUCCIONS PIRINEU 2001 SL*
TOTAU 100,00 PUNTS
2. Registre d'Entrada num. *TRANSPORTES Y EXCAVACIONES BARBA SL*
TOTAU 88,74 PUNTS
3. Registre d'Entrada num. 307 de 08/02/2018: *MIQUEL RIUS SA*
TOTAU 87,24 PUNTS

4. Registre d'Entrada num. 306 de 08/02/2018: *CERVÓS SA*

TOTAU 64,31 PUNTS

Dat que, notificat er acòrd anterior, còste era constitucion de garantida definitiva mejançant assegurança de caucion, e presentada era rèsta de documentacion exigida en amàs de clausules administratives particulars, mejançant registre d'entrada num. 408, de 23/02/2018.

Per tot açò expausat, e visti es articles 151, 154 e concordants deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public (TRLCSP), e 13.1.d) e Disposicion Addicionau Ueitau dera Lei 19/2014, deth 29 de deseme, de Transparéncia, Accés ara Informacion Publica e Bon Govern, se prepausa ath Conselh de Govèrn adjudicar eth contracte d'òbres abans nomenat ara empresa *CONSTRUCCIONS PIRINEU 2001 SL*, en tot tier en compde qu'era adopcion d'aguest acòrd ei competéncia deth Conselh de Govèrn, en vertut des delegacions efectuades peth sindic d'Aran, mejançant Decret num. 243/2015, de 15 de junh [BOP de Lleida num. 138, de 21 de juriòl de 2015, e DOGC num. 6919, de 23 de juriòl de 2015].

Un còp sosmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Declarar vàlid eth procés de licitacion dera contratacion des òbres de *Mielhora dera carretèra d'accès a Mont e Montcorbau, separata èish 1*, mejançant procediment dubèrt, damb tramitacion ordinària, cossent damb çò previst enes articles 6, 115 e 157 deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public.

Dusau.- Adjudicar eth contracte d'òbres abans nomenat ara empresa *CONSTRUCCIONS PIRINEU 2011 SL*, damb CIF B-25392366, per un impòrt totau de cent noranta nau mil sies cents cinquanta euros (199.650,00 €), IVA includit, damb eth desglossament següent:

- Cent seishanta cinc mil euros (165.000,00 €), de base deth contracte, e
- Trenta quate mil sies cents cinquanta euros (34.650,00 €), en concèpte d'IVA

Aguesta adjudicacion se hè, a cargue dera aplicacion pressupostària num. 2018/01.454.650.03 deth pressupòst generau vigent entar exercici 2018, damb ua durada totau de tres (3) mesi.

Tresau.- Notificar aguesti acòrds ara empresa *CONSTRUCCIONS PIRINEU 2011 SL*, adjudicatària d'aguest contracte, e citar-la entera signatura deth contracte, que s'a de hèr laguens des quinze (15) dies següents ara recepcion dera notificacion d'aguest acòrd.

Quatau.- Notificar aguesti acòrds as empreses interessades e ara Tresaureria deth Conselh as efèctes oportuns.

Cincau.- Dar publicitat dera adjudicacion e dera formalizacion deth contracte e dera rèsta de donades especificades en article 53 e concordants deth TRLCSP en DOGC e en Perfil deth Contractant, de conformitat damb es art. 151.4 e 154.2 TRLCSP.

Siesau.- Publicar es donades basiques d'aguest contracte en Portau dera Transparéncia dera Corporacion.


Setau.- Comunicar era adjudicacion d'aguest contracte ath Registre Públic de Contractes dera Generalitat de Catalunya e ara Plataforma de Servicis de Contractacion Publica, cossent damb çò qu'establís es art. 30 e 333 TRLCSP e ena Disposicion Addicionau Ueitalu dera Lei 19/2014, deth 29 de deseme.

Ueitalu.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau còste ar efècte oportun, signi aguest certificat d'orde e damb visteplatz deth Sindic.

Vielha, 6 de març de 2018

X.


Vist e platz
Eth Sindic



Carlos Barrera Sánchez